



Claudii Fleurii Abbatis Historia Ecclesiastica

Ab anno Christi 1581 usque ad annum 1589

Fleury, Claude

August. Vind. [u.a.], 1772

VD18 90118650

§. 23. Memphitica, seu Cairensis Synodus.

[urn:nbn:de:hbz:466:1-67246](#)

ac Christiana militum disciplina, & de- Sæcul. XVI.
 mum de sodalitatibus, piisque locis, & A.C. 1582.
 de modo in illis versandi. Postremo
 sanctiones decernuntur de Religiosarum
 Virginum monasteriis, necnon de iis,
 quibus ea ingredi licet, ubi circa hunc
 ultimum articulum Synodus hæc sta-
 tuit: si quis præter illis, quibus ejus-
 modi monasterii septa ex Episcopi licen-
 tia ingredi licet, id attentaverit, pæ-
 nam excommunicationis Pontifici reserva-
 tæ ipso factō subeat, aliasve arbitrio Epi-
 scopi: Abbatissæ vero, Priorissæ, & aliæ
 Moniales, quæ Ecclesiasticos, aut laicos
 homines quavis caussa, prætextuue intra
 Monasterii septa absque Episcopi concessu
 literis consignato ingredi permiserint, ipso
 factō excommunicationis pænam subeant, a
 qua e sanctionis sanctissimi Domini nostri
 Gregorii Papæ XIII. præscripto, non
 possint, nisi a summo Pontifice absolvi, præ-
 ter alias pænas eadem constitutione pro-
 positas. Quæ vero Moniales absque Epi-
 scopi concessu scriptis exarrato, quemquam
 vel marem, vel fæminam, contra quam
 supra præscriptum est, ad collocutionem,
 rotarumve loca admiserint, biennio multa-
 tæ sint suffragio omni.

§. XXIII.¹

Memphitica, seu Cairensis Synodus.

Eodem

Sæcul. XVI.
A.C. 1582.

Labb. p. 882.
Possev. ap-
par. t. 2.
Spond. an-
nat. n. 2.

Eodem hoc anno Domini millesimo quingentesimo octogesimo secundo Gregorii XIII. Papæ auctoritate alia Synodus Memphis, seu Cairi in Ægypto in mense Decembri celebrata, eaque tribus sessionibus expedita est, ad quarum primam Episcopi cum nonnullis hujus regionis Proceribus concurrebant, quamvis Patriarcha Alexandrinus unacum pluribus Abbatibus, ac triginta primæ Nobilitatis Viris nonnisi secundæ sessioni interesset. Idem quoque tertiae sessioni intervenerant unacum quibusdam Jesuitis eo a Papa decretis, inter quos præcipuus fuit Pater Joannes Baptista Romanus. Ceterum eo tempore præfata urbs circiter quinquaginta Copthorum Christianorum millia recensebat: in prima autem hujus Synodi sessione discutiebantur cauſſæ, ob quas hæc gens fese a Romanæ Ecclesiæ communione segregaverat, ubi tota culpa rejiciebatur in Pseudo-Synodum Ephesinam a Dioscoro hæretico absque ulla auctoritate congregatam, in qua recipiebatur error Eutychetis, qui duas in Christo naturas negabat, unde accidebat, ut Cophti tum morum perversitatem ignorantiae adjungentes crederent, quod duæ naturæ in unica Verbi Hypostasi unitæ pariter duas Hypostases efficerent, pro-

ut

ut Nestorius tradiderat, quam tamen **Sæcul XVI.**
doctrinam genuina Synodus Ephesina **A C 1582.**
antehac condemnaverat.

Demum in secunda sessione toto stu-
dio Cophtis demonstrabatur, quod il-
lorum errores priscis Conciliis, necnon
fidei a divo Marco receptæ adversen-
tur, simulque, si duas in Christo natu-
ras negarent, cuncta sus, deque verte-
rent, ac ejusdem mendacii ope propu-
gnarent, quod Verbum humanam non
induerit naturam: postea autem Syno-
dus ea, quæ hi hæretici objiciebant,
diluebat: porro in alterum mensēm re-
jiciebatur sessio tertia, in qua tamen
nullo ferme negotio conventum, abo-
lendam esse circumcisionem, quinimo
postquam per integras sex horas de dua-
bus in Christo naturis fuerat discepta-
tum, unaomnes concordi suffragio hanc
veritatem professi sunt, atque opposi-
tam hæresin abjurarunt (*): quapro-
pter

(*) Ita némpe quando Catholici contra
hæreticos Christianæ fidei dogmata propu-
gnant, aut veritatis efficacia victoram repor-
tant, & dissidentes ad Ecclesiæ unionem re-
vocant, aut prævalente hæreticorum pertina-
cia nunquam eorum veneno inficiuntur, cum
econtra, quoties hæretici etiam inter se digla-
diantur, nunquam in eorum disputationibus
veri-

Sæcul. XVI. pter Synodus ita decidebat: *anathema*
A.C. 1582. *fit, si quis Christum humana natura spo-*
liaret, qui cum idem Deus, idem etiam est
verus homo, & divinam habet a Patre suo
jam inde ab omni cæternitate naturam, &
humanam sumpsit ex Matre definitis tempo-
rum spatiis: ibidem quoque statuitur, Coph-
tos, quamquam duarum abstineant natura-
rum appellatione, non tamen negare,
quod Christus fit Deus, & homo, sed ab
ea loquendi ratione illos idcirco refugere, ne
consuetudo ipsa loquendi duas inducere videa-
tur hypostases.

Ceterum hæc Synodus nonnisi pri-
ma Februarii die anno sequenti absolu-
ta est.

§. XXIV.

Plurium Pontificum conatus in emen- dando Calendario.

Paul. Jov. **C**um longo temporis progressu adeo
in eleg. 149. crassi, atque enormes errores in
Ricciol. chr. Calendarium irrepissent, ut festa haud
ref. amplius debito tempore celebrarentur,
Blondel. hist. necnon Paschatis solemnitas, quæ tem-
des Calend. pture inter plenilunium, ac postremam
Rom. primi mensis lunaris lunctionem, seu
lu-

veritas fuit dilucidata, sed semper ex affecta-
to concordiæ studio schismata, novæque se-
ctæ fuerunt exortæ.